

庚辰年一男子二十餘歲久患留飲難愈醫經十餘人有作食積醫者有作腎水虧者更作風濕治者其醫主治紛紛不一而病加劇患此九年夏四月延子治之詢其證臍腹左側一塊狀如覆杯輒動不止牽扯腰背拳局不能伸時而旁流入脇咳引刺痛及胸背脹悶不聞又上走入頸項左腦邊疼痛並穿入耳中閉痛逢左手足筋節腿膝脛處如寒風吹骨痛狀子診之脈來弦緊而滑氣口尤甚子曰此乃留飲爲患今痰飲盛故脈來弦緊而滑證亦雜錯法當先進炒應丸三服取下痰涎其水甚多諸證減去其半但人事因倦於是改用芪朮各二錢五分以助胸中脾中之陽半夏南星砂仁各一錢五分散逆以除痰逐水以和胃附子干姜各一錢五分以祛少陰之寒濕

經以去濕姜黃一錢五分合附子南星兼走手足痛處五劑大効十劑諸證盡退三十劑而全愈矣

附三陰合病腹痛兼泄一案

戊寅年鄉中一婦劉氏夏六月患腹痛兼泄五日未食其證身重嗜臥少氣懶言少陰也四肢逆冷厥陰也微惡寒身微熱脈微而遲陽微而陰盛也不嗜食而泄太陰也且腹痛亦屬厥陰粗工不食三陰裏寒便投六和湯二劑更加倦臥痛甚改盡他藥其病加劇予視之曰此乃三陰合病之裏寒也遂投理中湯以走太陰加附子吳萸以驅少陰厥陰之寒加砂仁半夏茯苓醒脾開胃逐水散逆止泄更加黃芪助白朮以扶脾二劑泄止痛除證減大半再服二劑而全愈矣

附五經合病一案

是年夏六月鄉中又一婦周氏外證身面黃腫色暗而帶先泄數次
每至夜惡寒發熱醫作瘧治清裏不効更加嘔吐飲食不能進連更
數醫藥用泄火清熱以攻裏之劑投之卽吐更加頭痛及右腦側痛
牽扯右眼不能開又昏眩如此十餘日轉臥沉重神茶與藥入口卽
吐病勢危篤子視之曰此陰陽合病之證也且有少陽陽明之表
邪未解內兼有三陰之裏寒甚極故此病來雜錯深重乃五經合病
之證也若不分經辨治命必去矣吾用理中以治太陰吳萸以理厥
陰附子以驅少陰之寒砂仁半夏和胃以散逆合柴胡湯加葛根以
解二陽之表進一劑而効三劑大減後以六君子湯加附子干姜茵

陳扶陽退黃四劑而全愈矣

附少陰協火而動之證一案

己卯年鄉中有一黃姓名國海者夏月身冷如水二便不通外索扇風且不可停息下焦少腹及兩腿處熱如火烘口不渴肝腎脈微肺脾右腎盛大予語之曰此少陰協火而動之證也先投白虎湯加生地黃苓洋參進二劑身發微熱而扇方止下焦火烘處亦稍退再進黃連阿膠湯三劑二便通而病全愈矣此跌陽勝而少陰負矣

附少陰協水而動之證一案

又一少年患腹痛重按之而稍減且兼嘔吐并完谷不化人事昏倦四肢沉重等證予診之曰此證危篤乃少陰協水而動之證也所謂

少陰勝而跌陽負矣法宜補火殖土之劑以溫之庶或可救後依此
法施治連進三劑而甦

附小兒驚風發吐頭痛一案

治一小兒驚風甚急其證嘔吐頭痛嘔止而頭痛驚風亦止外體微
黃而腫目不見人小便黃赤口眼右扯目勇視外見發熱而嘔吐作
頭痛驚風亦作時值六月詢其病源先受濕熱後因貪涼感寒飲食
不節兼以留飲傷脾予用天保采薇湯一劑其證稍定次用柴胡白
芍枳殼桔根陳皮半夏南星茯苓甘草瓜萸霜姜蠶蟬退木香鈎藤
等味姜汁竹瀝對服一劑稍止半日間其驚風嘔吐諸證又發口眼
轉向左扯風止喜飲滾茶予曰此脾弱外挾風寒濕熱之病審矣遂

用加味導痰湯扶脾清熱去濕除痰而風自止卽六君子湯加芩連以扶脾清熱更加南星瓜蒌枳桔木香豁痰以行氣姜蠶柴胡疎風而平肝姜汁竹瀝以引諸藥治痰爲使進二劑諸證俱已再進香砂六君子湯加柴芍當歸黃芪以收全功

附脚氣痛一案

曾醫一脚氣痛右足連腿悉腫痛不可忍不能自動轉側連更數醫不効食不能下寢不能寐月餘延治子診之曰此乃寒濕熱三氣合病之證濕則腫熱則痛寒與熱搏則痛甚故此食不能下當先溫經以去濕清熱以祛寒而痛自止先進五積散加附子二劑而病勢稍減飲食漸進矣次進當歸拈痛湯四劑諸病減去其半再進加味清

熱勝濕湯六劑其諸證俱已而病愈矣 附清熱勝濕方 防已

米木瓜羌活杜仲牛夕蒼朮黃柏紅花桃仁甘草白芍靈仙等味附
外方用田螺三個去殼搗泥貼痛處二次少許引熱下行亦良法也
後進獨活寄生湯加附子防已兼服八味湯加牛夕苡米木瓜各八
劑以善其後自不復發

附真陽火衰咽痛一案

曾醫鄉中一婦李氏年二十七歲尙未生育患咽喉痺痛咽喉內右
邊腫一塊如指大白色微帶淡紅小舌亦下其小舌尖勾抵向右患
處飲水吞津其痛益甚日夜時睡白涎滿地且兼咳嗽不止食不能
入但米引以度日一月餘延治外證身重惡寒倦怠嗜臥少氣懶言

聲低息短惡冷喜熱頭暈微痛脈微而沉病勢甚篤下午及夜尤甚
 予曰此少陰真陽火衰陰寒內盛陽衰陰盛之證也因前誤作熱醫
 兼以滋陰降火以致瀉盡胸中腎中脾中之陽恐難為矣今欲強進
 湯藥非大進溫補必不能効乃勉強作劑用生附子三錢去皮熟附
 子一錢五分蜜芪三錢白朮二錢法夏一錢八分砂仁一錢五分炙
 草一錢桔根一錢五分麥冬一錢五分黃連少許開水泡取輕清之
 汁對服服一劑其病減半再服一劑去黃連加肉桂末五分泡服大
 効再投三劑而平更用補中益氣湯加減兼服入味以收功全
 附脾腎二臟風虛頭暈一案

曾治一少年乙丑夏月患風虛頭眩苦極全不思食八九日間不能

起床起則眩暈頭不能舉子診之脈沉而微弦子曰此脾腎二本虛
極風已入二臟故此頭眩苦極肝木乘虛之候不可用風藥治眩但
當用附子五錢暖其水臟白朮一兩溫其土臟甘草五錢和中煎服
之一劑大効再劑愈矣

附一不治之腫脹幸胃氣不絕而愈一案

乙亥春一小兒方五歲先染時氣俗名抱耳風粗醫悞投五苓散一
劑引邪入膀胱致腎囊腫如琉璃更醫調治數月不効自春三月以
至秋八月病愈加劇遍體腫脹如蠶且臍凸出五心俱平更兼肚腹
兩邊見青紫筋二條下焦小腹至足腫處俱起水疱且有穿流膿者
身有微熱小便黃短肚腹微痛此不治之證也所幸者胃氣不絕飲

食稍進強子治之先投生芪三錢洋參二錢桂枝三錢麻黃絨醋炒二

錢甘草一錢煎服姜皮一撮為引進一劑頭面腫稍減次進五皮飲

加白朮苡米二劑上焦腫減其半飲食稍倍更以金匱腎氣湯朝服

兼進補中益氣加茯苓木瓜木通木香苡米晚服各十劑諸證減去

大半但腹脹滿不退身微熱小便利大便頗難且黑腹上紫筋微見

予曰身微熱表證仍在脈微而沉是有表證而無表脈熱在下焦可

知非桂枝所能散桃仁承氣所能攻此乃熱蓄膀胱與瘀血在裏邪

有淺深故不用桃仁承氣用代附抵當丸未服半料下盡黑糞身熱

腹脹紫筋諸證悉退後更服理脾扶胃之劑調理兩月而全愈矣

附經信不行於前陰而行於後陰一案

甲寅年一婦羅氏年幾將近半百每月經信不行於前陰而出於後陰腹痛牽連少腹三日乃止人事倦臥飲食減少又患心悸脈微而沉調治年餘連更數醫毫末無功延子治之用附子理中加吳萸蜜芪茯苓半夏砂仁川椒姜棗二劑而効數劑全愈後更服歸脾湯加香附砂仁半夏二十劑自不復發矣

附小兒患癘疫中寒一案

從姪學周其兒週歲時患中寒人事倦臥乳食少進滿口布白牙齦上腭以及喉間皆無空隙驗其證舌上滑而冷手足厥而小便白吾知其爲寒疫也證與喉間白骨無異方用生附子熟附子干姜半夏白朮人參茯苓故帑白蔻大劑陡進更濃煎生附汁絹蘸頻繳口舌

如是者二三劑溫醒胸中冷痰嘔出碗許人事稍康前藥再投冷痰
漸熱布白漸退乳食漸進十二日乃得全愈

附大頭瘟疫病一案

曾見患大頭瘟者頭面腫甚目不能開憎寒壯熱頭痛煩燥渴欲飲
冷依法用普濟消毒飲解其表而清其裏外用瓜蒂散搐鼻取出黃
水以瀉髓臟熱毒則頭痛自止再服前藥數劑而愈

附少陰息高脫證一案

厚溪有圖九官者壯盛健漢因落井身被水水寒侵少陰腹中急痛
四肢逆冷頭重腰痛舌胎乾而口渴醫家不諳六經但據舌乾口渴
以爲火盛悞用芩連等藥四劑而病加劇且更息高其兄來家求治

予曰喘促無寧脫證已見不可及矣張子恢先瞿然曰當初我亦氣促尙且不妨彼何爲不汨予曰爾爲中氣不足病在太陰無干腎氣氣促何妨彼病少陰悞服芩連孤陽立剝所謂本實先撥尙可爲哉果夜死矣

附錫光痘一壞案

曾於鄰姓見有此證醫家以爲血虛不能附不爲補火殖土則陽不能回而紅暈不見身不發熱而漿不能乾因放爆竹一笑而逝此陽從上脫也可見紅暈一眞陽之驗不可專以血言

附一小兒小便癰閉兼縮陰一案

丁丑夏六月一小兒方六歲先因多食桃李生果忽患小便癰閉三

日不通先醫以五苓散加車前子二劑服之而病加劇延予診之肝腎脈洪且兼齒痛齒齲并小腹脹滿漸成中滿病勢危篤先用連翹葱一握搗爛盆盛再入生菜菹子一杯搗爛合葱一處用開水泡此二味薰蒸小腹淋洗陰莖內服生菜菹湯一杯少頃小便如泉湧而出諸證悉退次日因兒母與食鹽梅一個晚間小便復閉予曰非進東垣滋腎丸必不能効依法作丸先服三十丸腹中雷鳴連進四十丸小便即通脹消如故諸證悉退自不復閉矣 附滋腎丸方 黃柏知母各五錢鹽酒各炒一次肉桂五分去粗皮共末蜜丸如豆大開水送下用此方而効驗者案難悉載

附太厥二陰併病久嘔一案

癸酉年竹田鄉有李家少年十五歲久患嘔吐不止詢其病源自五歲時得此嘔吐一月一發先自小腹疼痛二三日痛止則前額頭痛作逆半日間嘔吐卽發三晝夜嘔盡清涎苦水其嘔乃止經今十年已滿醫過數十人處方投劑毫末無功予診之曰脈來微沉而逆此乃太厥二陰之病內有留飲爲患且痛起於小腹乃肝腎所屬部位因其土衰不能制水而肝木乘此來尅則腎水反侮其土矣推求治法先平肝以散逆扶脾以逐水而嘔得止其病可愈遂用吳茱五錢洋參三錢生姜五錢紅棗五錢去核煎服二劑而嘔吐頭痛卽止如是前方更加附子再進二劑不復發矣

附厥陰嘔吐一案

壬戌年夏六月親翁李君字廷爵者年踰五旬患嘔吐青涎成盆日發數次數月不得愈延子診之六脈俱沈而弦亦投吳茱萸湯數劑而効後更用香砂六君子湯加吳萸共進十劑以收全功

附太厥二陰嘔吐一案

丙辰年季夏月一婦歐陽氏年三十餘歲患嘔吐不止亦少腹微痛不休且兼頭痛眩暈朝食日吐日食夜吐詢其病每嘔吐時先自頭微痛而後嘔卽發矣服來沉微而弦太陰前醫以理中湯數劑不効更醫又進香砂六君子湯加姜附數劑亦不効一月餘大便竟無一次病勢危篤子曰此乃太厥二陰爲患而厥陰尤爲緊急當服吳茱萸湯其病可愈卽投吳萸六錢洋參四錢生姜四錢紅棗四錢白朮煎服

一劑而止日吐再服一劑而夜吐亦止更以前方加黃芪白朮各二錢又數劑而全愈矣

附懷胎患痢一案

曾醫張婦周氏懷孕八月患痢日夜無度前醫用痢門套藥則胎不安痢亦不減服安胎藥而痢加劇如此十餘日胎將墜矣且不思食及延子治先用田螺三個去殼搗泥作餅入鹽少許對臍敷之半時而腹痛止矣且痢亦減去大半食亦少進後進三奇湯二劑而全愈

因作此湯歌曰 懷胎痢證苦難言 好把三奇湯速煎 黃芪三

錢防風八分加上陳枳殼一錢 舌上黑胎兼口渴 增入三分好

川連 若還破氣兼行血 忽然胎下是誰愆

附少陰腹痛熱厥一案

甲子夏六月間一童女年五歲患腹痛甚急四肢厥逆冷過肘膝大小便不通予至時先有二醫煎成附子理中湯未進予語之曰此乃少陽之熱厥證也經云熱深而厥深熱微而厥微今見舌胎焦黑二便不通且兼渴欲飲冷其人雖厥而惡熱况脈沉實而又數此明驗耳烏敢用此大熱之藥以溫之乎此證雖不可下宜服四逆散投之自愈柴胡只實白芍甘草各三錢加薤白五個搗汁對服一劑而身發大熱大便自下紅黑二次小便黃赤而腹痛立止再投一劑舌胎退身熱解而病愈矣

附留飲一案

丙子年秋八月鄉中一人劉姓字廷選者患留飲十年經醫累治不
效其證發則嘔吐不止食不能入小便短少大便常閉腹內瀝瀝有
水聲胸脇時痛甚則一月不食大便不通間或食糲粉及米飲以度
日子診之脈來沉弦右關獨滑弦盛予曰此痰飲爲病吾用小半夏
加茯苓湯一劑而諸證減去大半三劑而飲食倍進大小便通胸脇
痛與嘔吐俱止腹內水消如故連進十劑改用自製枳朮消痞丸一
單兼服六君子湯以收全功 附小半夏加茯苓湯法夏入錢茯苓
五錢生姜五錢水煎服 附自製枳朮丸製白朮四兩枳實片以麩
拌炒
去油西砂仁姜水炒元法夏姜水炒真廣皮去
一兩柏廣木香五錢內白
朮荷葉包飯上蒸一次去荷葉將朮晒乾合諸藥共研細末用陳米

漿糊爲丸如梧桐子大每會空心開水送下三十五丸日服二次以愈爲度

附前賢治傷寒蒸法取汗一案

昔范雲患傷寒時武帝有九錫之命謂醫徐文白曰病可速愈乎文白曰甚易但元氣不足恐二年之後不復起耳雲曰朝聞道夕死可矣况二年乎遂以蒸法取汗而愈後二年果卒虛者豈輕汗哉 用火法以火燒地布桃葉柏葉亦可設席置病人於上卽汗出 或醋炒搗香附裏熨胸背卽汗 或置火於床下或置熱湯於牀下或艾炙皆能取汗虛家不可用

附發紅疹似丹一案

庚辰夏五月竹田鄉李君行三者忽患遍體發紅疹若丹一顆二三
十粒如芥子大色紅紫無一處不有精神衰減人事倦臥衆皆以爲
丹毒用升麻犀角等湯及消風清熱解毒等劑皆無効凡一月餘子
視之曰此疹也非丹也遂用升麻白芷紅胡各一錢當歸赤芍各一
錢五分穿山甲珠二錢生姜一錢服一劑減去大半二劑而全愈矣
再服清燥養榮湯四劑以收全功

清燥養榮湯附下卷

附前賢治大便結燥一案

時珍曰一婦腸結年幾六十服養血潤燥藥則凝結服硝黃藥則若
罔知如此三十餘年其人體肥膏粱而多鬱日吐酸痰乃寬此乃三
焦氣滯有升無降津液皆化爲痰不能下潤腸臍非血燥也潤劑留

滯硝黃入血不能入氣故無効用牽牛爲末皂角膏丸纔服便通

子甥索多酒色病二便不通脹痛呻吟七晝夜用通利藥不効子思此乃濕熱之邪在精道壅隊去路病在二陰之間故前阻小便後阻大便病不在大腸膀胱也用練實小茴穿山甲珠三味倍加牽牛三服而平

此等病證予自得大小便不通有二次亦有閉至三五日者硝黃等劑稍通便閉後用牽牛三錢小茴木香各一錢共末泡服立愈此乃氣閉非熱閉也

以後附錄

前賢李士材先生劬案

因其病證重異故錄此以爲式社友韓茂

遠傷寒九日以來口不能言目不能視體不能動四肢俱冷衆皆曰陰證比子診之六脈皆無以手按腹兩手護之眉皺作楚按其跌陽大而有力乃知腹內有燥糞也欲與大承氣湯病家惶懼不敢進子曰吾郡中能辨是證者惟施笠澤耳延至診之與子若合符節遂下之得燥屎六七枚口能言體能動脈卽出矣若徒能按手脈不及足者何以救此垂絕之證耶

附傷寒陰證似陽一案

休寧吳文哉傷寒煩燥面赤昏亂絕時索冷水其弟曰休乞子決死期手揚足擲難以候脈五六人制之方得就診洪大無倫按之如絲子曰浮大沈小陰證似陽也與附子理中湯當有生理日休駭曰

醫者十輩不曰柴胡承氣則曰竹葉石膏今反用熱劑烏乎哉
溫劑猶生涼劑立斃矣曰休卜之吉遂用理中湯加人參四錢附子
二錢煎成入井水冰冷與飲甫及一時狂躁定矣再進而神爽服參
至五筋而安 文哉遣以書曰弟爲俗子所誤既登鬼域矣而兄翁
拯全之大奇亦大幸也方弟燥熱之時醫以三黃湯入牛黃服之轉
加悶絕舉室哀號惟是治終具候瞑目而已不意兄翁毅然以爲可
救參附一投陰霜見曉荆妻稚子含淚歡呼一日卽甦經年乃復鳴
呼父母生之兄翁再生之昊天罔極莫可云喻敢誌顛末乞附案帙
俾天下萬世知藥不可以浪投命不可以輕棄何莫非大仁人回春
之澤哉

附傷寒熱痢通下一案

同社王月懷傷寒至五六日下利不止懊懺目脹諸藥不効有以山藥茯苓與之慮其瀉脫也子診之六脈沉數按其臍則痛此協熱自利中有結糞用小承氣湯倍大黃服之果得結糞五六枚利遂止懊遂安 懊者煩惱懺者悶鬱比之煩燥殆有甚焉

附傷寒譫語不在裏而在表一案

儒者吳君明傷寒六日譫語狂笑頭痛有汗大便不通小便自利衆議以承氣湯下之子診其脈浮而大因思仲景云傷寒不大便六七日頭痛有熱小便清知不在裏仍在表也方今仲冬宜與桂枝湯衆皆吐舌掩口謗之甚力以譫語爲陽盛桂枝入口必斃矣子曰汗多

神昏故發譫語雖不大便腹無所苦和其營衛必自愈耳遂違衆用而服之及夜而笑語皆止明日大便自通故夫病變多端不可膠執向使狐疑而用下藥其可活乎

附崇病一病

章仲與令愛在閤時昏暈不知人蘇合香丸灌醒後狂言妄語喃喃不休予診其左脈七至大而無倫右脈三至微而難見正所謂兩手如出兩人此崇憑之脈也用線帶繫足二大拇指以艾炷灸兩甲介至七壯鬼卽哀詞求出服調氣平胃散加桃仁數劑而崇絕此名慳附患虛勞危證一案

邑宰何金陽福建邵武府人名望海令卽虛損已頽於危見予拙劑

微論藥解脈象諸書遣使聘子手書云 嘗聞一命之士存心愛物
於人必有所濟况老先生以天地萬物爲體分醫國之餘著述嘉刻
皆本性命而立言望海神交深知雲間有李先生東垣再來也緣小
兒天根久馳書癖昕夕窮神而不自節氣暴陰陽形瘁於勞精搖於
夢汗出乎寐而柴棚其中餌藥歷歲毫末無功不遠數千里專送台
車俯矜望海杖杜草傳年幾半百僅舉一子願其羸頓焦腑俱焚伏
讀老先生廣嗣論中一旦至我而斬之語念之大懼不自知其涕泗
之沾襟也以是乞刀圭如仙掌金莖一晒甘露起骨而肉之仰惟仁
人君子必不遐遺則小兒自此有生之年皆老先生引手之賜也金
石可銷此心不晦再造之天敢忘銜結耶 子感其言遂往比至而病

盜進矣問其所服以四物知柏爲主芩連二冬爲加減診其脈大而
數按之極軟子曰中氣大寒反爲藥苦矣乃以歸脾湯入肉桂一錢
人參五錢當晚得熟寐居十日而汗止精藏更以還少丹兼進補中
益氣間服一月而瘥

附合病瘥疾一案

太史楊方壺瘧發間日脈來弦緊兩發後苦不可支且不能息日便
懇截之子曰邪未盡而強截之未必獲効即使截住必變他證不若
治法得所一二劑間令其自止遂用升麻柴胡各二錢提陽氣上升
使遠於陰而寒可止黃芩知母各一錢五分引陰氣下降使遠於陽
而熱自已以生薑三錢劫邪歸正甘草五分和其陰陽一劑而減半

再劑而竟止矣

附表邪未去誤截瘧一案

新安武程修患瘧每日一發自巳午時起直至次日寅卯而熱退不
踰一時則又發矣已及一月困頓哀苦卽命兩郎君叩首無數以求
速愈予曰頭痛惡寒脈浮而大表證方張此非失汗必誤截也武云
寒家素有截瘧丸百發百中弟服之病勢增劇何也予曰邪未解而
遽止之邪不能伏請以八劑四日服盡決止耳用石膏黃芩各三錢
和陽明之熱使其退就太陰白豆蔻三錢生姜五錢救太陽之寒使
其退就陽明脾胃爲夫妻使之和合則無陰陽乖亂之愆半夏檳榔
各一錢五分去胸中之痰蘇葉二錢發越太陽之邪葛根一錢斷入

陽明之路甫三劑而瘧止改用小柴胡倍人參服四劑補中益氣服十劑而人事康矣

附中寒吐虵患瘧一案

相國沈名纘丙辰秋患瘧吐虵悶不思食六脈沈細予曰瘧傷太陽中寒虵動也用理中湯加烏梅三個黃連五分進四劑後胸中豁然寒熱亦減虵亦不吐去黃連加黃芪二錢生姜五錢五劑而瘧止以手書謝云早年攻苦卽有寒中之患醫者但明疎氣不解扶陽積困於今雖當盛暑寒熱不敢沾唇此獨不肖自知之耳瘧發虵動幾爲性命之憂幸老年姪隔垣之視一七回春豈第趨邁庸儔直當上泰和扁嗣此有生詎非慈造鑄之焦府與日偕長矣

附痰飲似祟一案

文學朱文哉通體如蟲螫口舌糜爛朝起必見二小鬼執盤食以進
向予慟哭曰子年未滿三十高堂有垂白之親二鬼旦暮相侵決無
生理倘邀如天力得以不死卽今日之秦越人矣遂叩頭流血予
診其寸脈乍大乍小意其爲鬼祟細察兩關脈弦滑且大遂斷定爲
痰飲之疴投滾痰丸三錢雖微有所下而病患如舊更進以小胃丹
二錢與之復吐痰積及水十餘碗通體之痛減半至明早鬼亦不見
矣更以人參三錢白朮二錢煎湯吞小胃丹三錢大瀉十餘行約有
二十碗病若失矣乃以六君子湯爲丸服四劑而痊
附痿病已廢八載得愈一案

大學未修之痿發八年更醫屢百毫末無功一日讀子頤生生微論
千里相招予診之六脈有力飲食若常此濕熱內蒸心陽獨亢證名
脈痿用承氣湯下五六行左足便能伸縮再用大承氣湯又下十餘
行手中可以持物更用黃連黃芩各一觔酒蒸大黃八兩蜜丸日服
四錢以人參湯送一月之內去積滯不可勝數四肢皆能展舒予曰
今積滯盡矣煎三才膏十斤與服畢而應酬如故修之家世金陵嗣
後遂如骨肉歲時通問餽送越十載不懈

附心痛奪食脈代効驗一案

善化令黃桂岩心痛奪食脈三動一止良久不能自還施笠澤云五
臟之氣不至法當旦夕死李士材曰古人謂痛甚者脈多代周梅屋

云少年得代脈者死老年得代脈者生今桂岩春秋高矣而胸腹負
痛雖有代脈不足慮也果越兩旬而桂岩起矣故醫非博覽未見窮
脈之變耳

附腫脹屬虛寒一案

武林文學錢賞之酒色無度初秋腹脹冬來遍體腫急臍突背平法
在不治延子治之舉家求救叩首哀迫子曰我非有起死金丹但當
盡心力而圖之耳卽用金匱腎氣丸料大劑煎服兼進理中湯服五
日無効子欲辭歸矣其家曰自知必死但活一日則求一日之藥卽
使不起安敢歸咎乎強勉用人參二兩生附子三錢牛夕茯苓各五
錢二日之內小便解下約有四十餘碗腹有縐紋舉家拜曰皆再造

之恩也藥服四觔附子一斤姜桂各一斤餘斲而瘥

附肺脾氣虛患吐血虛勞一案

給諫張魯齋在吾邑作令時令郎凌九吐血發熱遺精盜汗形體衰弱先有醫士戒之曰勿服人參若誤服之無藥可救矣兩月弗效召予診曰此脾肺氣虛之候非大劑參芪不可魯齋駭曰前有醫者戒之甚嚴而兄用之甚多何相懸也予曰此醫能任決効否曰不能也予曰請易參五斤毋掣其肘期於三月可以報勩陳論甚力魯齋信而從之遂用六君子間服補中益氣及七味丸投之日輕一日果如期而愈

附水腫屬實證一案

太學何宗魯夏月好飲水一日太宗師放告自早起候至未時為炎
威所逼飲水計十餘碗歸寓便脹悶不能食越旬日腹如抱甕氣高
而喘求治於子子曰皮薄而光水停不化也且六脈堅實其病暴成
法當利之遂用舟車丸每服三錢香薷湯送再服而二便湧決如泉
復進一錢五分腹消如故用六君子湯十劑全愈
附勞心患內傷一虛案

內戚顧淡之勞神之後煩燥大熱頭痛時作時止醫者禁其飲食與
之解表見四日熱不退欲與攻裏子診之曰脈不浮緊安得表也又
不沉實安得裏也惟心部脈大而濇此勞心而虛煩乃類傷寒非正
傷寒也若禁其飲食即餓死矣便以粥與之兼進歸脾湯五日而愈

附心肺二臟中風一案

錢學台年近六旬昏倦不能言鼻塞二便閉此心肺二臟中風也先已服順氣疎風化痰之劑已頻於危矣比予診之六脈洪大按之搏指乃至虛反有盛候也宜補中爲主佐以祛風化痰方可回生舉家惶懼兩日不決予瞑目而呼曰今日無藥則斃矣若服參而病進子一人獨任其咎乃以大劑補中益氣加秦艽防風勾藤竹瀝一劑而神爽再劑大効加減調治五十日而全愈

文學俞元倩憂憤經旬忽患小便不禁醫以固脬補腎之劑投之凡一月而轉甚子診之曰六脈舉之則軟按之則堅此肝腎之陰有伏熱也用牡丹皮白茯苓各二錢苦參八分甘草稍六分黃連一錢煎

成調黃雞腸與服六劑而安適有吳門醫者云既愈當補之數日後仍復不禁子曰肝有鬱熱得溫補而轉熾遂以龍膽瀉肝湯加黃雞腸服之四劑卽止更以四君子湯加黃連山枝一月全愈

一婦年四十患飲食不進小便不禁子曰六脈沉遲水泉不藏是無

火也投以八味丸料兼進六君子加益智肉桂二劑而減數劑全愈

邑宰嚴知非患淋經年痛如刀錐凡清火疎利之劑約計三百病勢

日甚歲暮延診子曰兩尺數而無力是虛火也從來醫者皆言痛無

補法故愈疎通則愈虛愈虛則虛火愈熾遂以八味地黃丸料加車

前入參服八劑病減一二而頻數猶故原醫者進云淋證作痛定是

實火若多溫補恐數日後必將悶絕不可救矣知非疑懼復來商之

子曰若不宜溫補則服藥後病勢日增今既減矣復何疑乎朝服補中益氣湯晚服八味丸逾月而痛去其九更倍加參芪半月而全愈矣血虛頭痛一案

一人往返燕京感受風寒遂得頭痛數月不休凡頭痛之藥無所不服其痛更甚厥體消瘦扶策踵門求子療治子思此病明係外邪如何解散不効因語之曰治風先治血血行風自滅本因血虛而風寒入之今又疎泄不已烏乎愈乎又聞通則不痛痛則不通故以當歸生血活血木通利脈道而行當歸之力問患者能酒乎曰能飲而且可多近爲醫戒不敢飲因另用斗酒用當歸半斤木通四兩入二味於中浸三日夜重湯煮滾乘熱飲之至醉醉則去枕而臥臥覺痛若

失矣所以取酒者欲引二藥之性上升於頭至醉而臥者醉則扶肌
膚淪骨脈藥力方到臥則血有所歸其安神也有志活人者推此用
之思過半矣

一人患經年咳嗽更醫數十人藥不絕口而病反增劇自謂必成虛
勞余曰不然脈不數不虛惟右寸浮大而濇是風痰未解必多服酸
收故久而彌甚用麻黃杏仁半夏前胡桔根甘草橘紅蘇子五劑減
半十劑全愈

小便癱閉

郡守王鏡如痰火喘急正甚時忽然小便不通自服前仁木通茯苓
澤泄等藥小便脹悶點滴不通子曰右寸數大是金燥不能生水之

故惟用紫苑五錢麥冬三錢五味十粒洋參三錢一劑而小便湧出如泉若淡滲之藥愈多則反致燥急之苦不可不察也

小便癰閉

孝廉俞彥直修府誌勞神忽然如喪神失守小便不通予診之曰微而尺鼓是水涸而神傷也用地黃知母各二錢洋參丹參各三錢茯苓一錢五分黃柏一錢二劑稍減十二劑全安

大便不通

生員蔣恬庵服五加皮酒遂患大便閉結四日以來腹中脹悶服大黃藥通後復結予曰腎氣衰少津液不生誤服疎利是助其燥矣以六味地黃丸料煎成加入乳一鍾白蜜五錢服二劑卽通十日而全

愈矣

心腹痛案

孝廉李長蘅忽發胃脘痛用順氣化食之劑弗効予診視之曰脈沉而遲客寒犯胃也以參蘇飲加草豆蔻二錢煎就加生姜自然汁半鐘一服而減二服而瘥

心腹痛案

一舉子章生公在都城應試時八月初五忽然心中痛甚致不能飲食余診之寸口濇而軟與大劑歸脾湯加洋參三錢肉桂一錢生公曰痛而驟補實所不敢得無與場期碍乎余曰第能信予言而服之可以無礙恐反投破氣之藥其礙也必矣逆服之不踰時而頓減更

進一劑連飲獨參湯兩日而愈場事獲竣

心腹痛案

一人患少腹作痛連於兩脇服疎肝之劑一月以來日甚一日余診之左關尺俱沉遲治以理中加吳萸一劑而効數劑而愈

心腹痛案

一人當臍切痛作氣食療之無効予診之曰少陰肝腎部位沉脈沉而弱與氣食何相干涉非徒無益反害其元以八味丸料煎服不十日而全安

心腹痛案

一人患鬱怒之餘胸腹脹痛先服疎風消痰化食之劑不効投大黃

下之又不效更以人參補之亦不效迎予診之脈弦而數此內有鬱
熱爲寒涼飲食壅之而痛用黃連三錢梔子一錢五分橘紅白朮各
二錢鉤藤木香各八分肉桂二錢煎成加姜汁半鍾二劑痛止四劑
之後加人參干姜而全愈

心腹痛案

一人暑月患心中大痛有吳門醫者令服香薷飲其痛轉增予曰寸
口脈弦急痰食交結也服香砂二陳湯二劑痛雖略減困苦煩悶更
以胃苓湯加半夏二錢大黃三錢痛減三四仍用前湯用大黃四錢
下膠痰十餘次而始安

頭痛案

一人患頭痛如劈昏重不寧風藥血藥痰藥久治無功予曰寸微尺滑腎虛水泛爲痰也用熟地四錢棗皮丹皮澤泄各一錢五分茯苓三錢淮藥二錢沉香八分日服四劑兩日病減六七更以七味丸入參湯送下五日其痛若失

泄瀉一案

一人患吐痰泄瀉見食則惡面色痿黃精神困倦自秋至春靡劑弗投經久不愈迎予診之口不能言亟以補中益氣去當歸加肉果二錢附子一錢干姜一錢半夏二錢洋參四錢日進二劑四日而泄止但痰不減耳予曰腎虛水泛爲痰非八味丸不可應與補中益氣湯並進凡四十日服洋參一斤飲食大進痰亦不吐又半月而全愈矣

痢病一案

一人初痢如魚腦腸鳴切痛聞食則嘔詢前所服皆苓連木香薑瀉霍香補紅白芍而已後有進四君子湯疑而未果延予治之診得脈

雖大按之無力候至右尺倍覺濡軟子曰命門火衰不能生土亟須

參附可以回陽孺翁曰但用參朮可得愈否子曰若無參附雖進參

朮無益於病且脾土大虛虛則補母非補火乎遂用人參五錢熟附

一錢五分干姜一錢白朮三錢連進三劑嘔止食粥再以補中益氣

加姜附十四劑而全愈矣

痢病一案

一婦下痢四十日日乾發熱飲食不進腹中脹悶完谷不化尙有謂

其邪熱不殺谷者許服香連只壳草蔻厚朴等三十餘劑絕谷五日
命在須臾迎余診之脈大而數按之豁然詢得腹痛而喜手按不便
清利此火衰不能生土內真寒而外假熱也亟煎附子理中湯水水
冷與服一劑而痛止六劑而熱退食進兼服八味丸二十餘日其病
全愈

反胃隔案

一婦人憂怒之餘得食則噎胸中隱隱痛子診之曰脈緊且滑痰在中
中脘用二陳湯加姜汁竹瀝其家謂曰半夏燥乎子曰濕痰滿中非
此不治遂用四劑病尙不減改用大半夏湯四劑胸痛乃止又四劑
而噎亦減服二十劑而安若泥半夏爲燥而以他藥代之豈能愈乎

痰不盛體不肥者不宜與服也

反胃膈案

一人年近六旬多慾多怒患噎三月日進米飲一鍾腐漿半鍾且吐其半六脈細軟此虛寒之候也用理中湯加人乳姜汁半夏白蜜一劑大減十劑而日進糜粥更以十全大補加竹瀝姜汁四十貼皆愈以後九思附之案

腸癰一案

一婦人患腹滿而痛喘急異常大便不通飲食不進醫者用理氣利水之劑二十日不効予診之脈大而數右尺更甚令人按腹手不可近予曰此大腸癰也脈數為膿已成用黃芪皂角白芷之類加葵花

根一兩煎一碗頓服之未申時痛甚至夜半而膿血大下昏暈不知
卽與獨參湯稍安更與十全大補一月而愈此似脹病而實腸癰者
腸癰一案

一劉氏輔子年二十餘歲亦患腸癰詢其病源先因患瘡其瘡正盛
時病家欲求速効初醫不用疏解之法遽用截補藥投之瘡愈加劇
因久不愈又食犬肉以截之自茲濕熱瘡邪而已入裏伏於其內變
生腸癰其證大便常結小便短赤且腹疼痛而脹滿其痛處手不可
近夜不能眠卽睡必須仰臥屈一左足方許片時及覺又不能睡肚
腹上及四肢頭面皆腫肌膚發癢言其病形苦不可言經治內外兩
科約計有十餘人因皆未察其病源不識此病爲何證後膿成已潰

一從大便而出膿者醫名之曰此休息痢也一從糞門側邊癰潰而
出膿者又名之曰此腎癰也如此而治已經年餘藥進數百貼毫無
無功延子診之六脈浮數且大子曰此小腸癰也觀其仰臥屈一左
足顯然矣但癰久膿多毒盛故遍體腫而肌膚癢此毒盛膿多之證
非治週年兩載必不得痊危乎微乎不可照前腸癰治法吾用銀花
五兩甘草一兩另用蜜酒一觔清水三壺同煎臨服再用蜜酒對服
候一日一夜服完是劑連進三服其膿大出全是白膿大小便宣通
諸證略減人事昏瞶命以進粥兼服蠟磬丸更用銀花三兩甘草苡
米各一兩生芪白芷桔根元參各四錢煎法照前丸亦兼進服至二
十五劑諸證減去大半人事爽快其膿血猶未盡必須三五日膿出

一次脹痛人事方得快暢如是前方中蜜甚易生芪減去元參加蜜
玉竹再進十劑諸證又減膿血亦漸少但糞門邊潰者猶未得全愈
更用人參養營湯加銀花兼以前方加減再進二方間服半載以收
全功

鼓脹一案

一阿劉氏年踰六旬先患瘧半載後繼患鼓脹亦半載及子視之約
計年矣詢其人病中不肯忌口好食厚味等物問前所服藥方醫用
補截劑居多以致瘧邪傳裏變爲鼓脹一證其瘧雖痊其病較前更
甚證見腹大如斗遍滿心胸胸背皆腫腹臍突出肚腹青色腹內左
側一團如碗大不喜熱手摩按其人上身熱而下身冷大便燥結日

黑小便短赤渴欲飲冷每至夜發熱心煩不眠惡熱無汗肌膚燥燥
神氣衰減詰其人素稟陽旺少水多火惡熱喜冷三五日一次大便
結燥非常先醫不能細察均作鼓脹治之經治半載毫無寸功病愈
加劇舉室倉皇惟治具終瞋目而已予細籌之察其六脈沉數且實
明係瘧邪伏裏轉爲鼓脹而兼蓄血無疑矣大抵此時表裏證兼有
不可端治其裏以遺其表今當治其病源使瘧得以復發於外則大
小便自通蓄血自下而腹上之青色自退裏熱一清鼓脹不治而自
消矣否則予亦無法吾末如之何也已卽用小柴胡合白虎導赤加
桃仁歸尾桂枝治瘧以解其外配煎日服兼服代抵當丸治蓄血以
攻其內夜服丸五十粒計服藥五劑丸進二百五十粒諸證悉滅其

半卽命進粥忌鹽大便亦通蓄血自下腹上之青色轉爲紫色矣上
脹雖消下脹未已煩燥亦解而夜可得睡矣如是前方中減去知母
加鱉甲鱉青皮黑梔再進五劑照前服丸十日內共計藥十劑丸進
五百粒脹病全消腹上紫色盡去但腹中硬團還有如卵大未消再
細籌之明是瘧邪伏內因前誤食厚味補截所致此乃濕熱之邪留
於腸腑名曰瘧母故瘧仍發每至下午發熱頭痛四肢微厥惡寒口
渴不喜熱飲再進小柴胡加鱉甲青皮黑梔丹皮青蒿赤茯苓四劑
而瘧止矣更進加減補中益氣湯以收全功

附三陰患偏墜一案

鄉中有黎氏翁字天才者年踰六旬初病時頭重目眩不嗜食目瞤

少氣懶言身重惡寒其人困苦甚極夏月延子診之六脈沉細
無力診其跌陽若有若無之間子曰此乃少陰真陽火衰太陰脾土
極弱病在二本之間非大進補火殖土之劑必不能起危乎微乎幸
喜舉家信從遂用芪朮各四錢姜附砂半各二錢肉桂炙草各一錢
連服四劑大効因病者不肯多服兼且不息口半月間因食老鴨二
次諸病復作其證與前病更加數日未食後軀少腹硬滿微痛更患
右腎偏墜極大二便閉結四肢厥逆兩腿肌肉膝間痠痛下午尤甚
忽一日昏睡不醒人事後連數日皆如是舉室倉皇無措惟治具終
之事而已後復邀子視之仍用前方加吳萸川椒各一錢五分連服
十劑而全愈此因病中不息口食此寒涼之物寒上添寒轉變為偏

墜之險證有如是之可畏也

附懷孕兼患寒氣一案

一婦年三十餘歲懷孕五月忽患胃寒氣痛甚急兼嘔而吐虺頭痛頭昏數日不得息一日邀予視之詢前所服之藥不分寒熱皆是一切散氣耗氣等味予診之脈來浮虛無力其痛處喜用熱手摩按飲食不能進食則痛劇明係寒涼傷胃先因火衰胃中虛寒虺蟲得以逆上而作痛嘔以到胸中氣不得宣暢阻其食路故稍進谷食而氣痛加劇求其治法當先以補火殖土為主兼用逐水散逆并驅蟲扶胃之藥以佐之則嘔可止而蟲自安陰寒亦退氣痛不治而白愈矣後如吾言其病果愈遂用黃黨三錢泡姜一錢五分白朮二錢砂仁

半夏各二錢炙甘草一錢黃芪三錢吳萸川椒各一錢桂枝一錢五分服一劑而嘔止就亦不出諸證減去大半命以進粥如是前方中減去桂枝川椒不用倍加黃芪一錢外加熟附六分當歸三錢更進三劑而全愈矣

虛寒咽痛一案

偶見大工師袁氏字銘鑑者年近四旬患虛寒咽痛先有數醫不識三陰虛寒諸認爲實熱誤投疎風清解之劑及滋陰降火之味經治半載病更加劇至臘月上旬延予診視小舌兩邊各潰一孔如小指大滿口佈白時吐清冷之涎兼以咳嗽唾痰下午及夜尤甚口不喜飲且食粒糝不能下但米飲以度日小便清短大便常結每至三五

日一次大便先結後溏診其脈兩尺浮虛無力兩寸部似有似無之
 狀人事困倦頭懸身重予曰此脾肺腎三陰虛寒之極夫小便清短
 者因金不能生水故小便短大便常結者因津液上出而不下降故
 大陽乾燥先結後溏凡此皆由脾虛不能統涎之故也觀其佈白滿
 口兩尺浮虛寸微者此火衰土敗一切清陽下陷陰寒上升之證也
 非大進溫補之藥必不能救危乎微乎即用小附子四錢姜湯炮洋

參芪朮各三錢砂仁法夏桔根各二錢麥冬四錢炙草一錢紅棗引

連進四劑諸證減半日進糜粥另用生附子姜水合搗其汁用青布

條蘸汁洗去舌上白胎佈白稍退後更洋參麥冬阿膠本枝蜜芪各

三錢砂仁半夏各一錢五苓桔根二錢炙草一錢肉桂五分磨對紅

棗引六劑而咽痛止以上口舌諸證皆退而咽痛止矣罷粥食飯飲
食加倍但惜是人欠於保養貪食厚味一月內在外飲宴二次犯食
忌食物數日間咽痛諸證悉發較之於前倍加孔亟雖有前方再進
無益於病噫傷寒門言病愈而食復者信有之矣迨後有病愈而食
此忌物者當必視此食復一案爲戒耳

產後出疹一案

一產婦三日忽患出疹大便結熱小便短赤面圖赤色惡寒發熱其
疹上身微見欲出不出下身逆冷疹亦不見四肢微厥延予視之予
曰大虛患疹本非吉證固不待言今觀其證有餘而形不足不可照
常法施治方爲合法吾用生芪銀花當歸各三錢白芷連翹甘草各

二錢荆芥防風各一錢五分連進二劑其疹卽出子曰疹出而熱不減其內毒必盛因毒未盡出故此身熱不退更用清熱透肌湯一劑疹卽頓出甚密二便熱極猶未減口渴煩燥惡熱汗出喜冷如是更用大柴胡湯加石膏一錢銀花二錢連喬二錢一劑二便通熱漸減矣飲食稍進再進生地當歸銀花芍藥各二錢玉竹麥冬各三錢黃連山木通甘草各一錢淡竹葉紅棗陳米爲引一劑而熱退飲食倍進而疹毒已人事康矣後進加味補中益氣湯以收全功

附清熱透肌湯

前胡

杏仁

荆芥

防風

葛根

牛子

連喬

元參

甘草

葱白石羔

秘錄云平人無病夏月無陰到三伏之時全無氣力悠悠忽忽惟思

睡眠一睡不足再睡再睡不足則懶於言語或夢遺不已或夜熱不休者此皆腎水泄於冬天至夏月陽勝陰無以敵年少之人多有此患須峻補其腎水水足則骨髓充滿骨始有力而氣不下陷矣一方用 熟地一兩 棗皮四錢 北味五分 麥冬 芍藥 白朮 芡實各三錢 茯苓 陳皮各一錢 當歸 生棗仁各二錢水煎服數劑自愈

若小兒患此證者蓋因小兒素不忌口多食瓜果涼熱之物任意飽啖久則胃氣弱矣脾氣壞矣腎氣寒矣遂至腎水耗去亦如大人冬不藏精之證但方藥大同而小異當以補脾補胃補腎三經為主

方用 白朮 茯苓一錢 熟地三錢 五味二分 麥冬 當歸

一錢 白芍三錢 陳皮五分 山查三粒 只壳三分 洋參五
分水煎服二劑自愈

秘錄云凡人胃中之氣有餘久必變爲熱人以爲我能食冷乃胃氣
之有餘也我能消食乃脾之健旺也我能不畏天寒此腎之有餘也
誰知胃氣之有餘本之腎水之不足一遇風寒襲之夏暑犯之非變
爲消渴之證必成爲痿廢之人或卒中風痰者有之矣必須平日以
大劑六味地黃丸吞服自然氣平而火息胃平而熱除也無如世人
不信吾言自號曰強不肯多服此丸又托言我不能吞丸藥下咽則
吐及至火病一來則曰快與我用竹葉石膏湯晚矣我今立一方以
代服吞丸藥者 方用元參三錢 熟地五錢 麥冬三錢 五味

五分 桑皮三錢 山藥三錢 丹皮花粉各一錢水煎服之此乃
平胃火之聖藥全在補肝補肺補腎三經之藥則胃火自平使中州
安太自無阻滯之患矣所以反胃之病亦由此證而起者多矣

方用白芍五錢 甘草一錢 炒枝子三錢 當歸二錢 白芥子

一錢 柴胡 荆芥 澤瀉各一錢

又方熟地一兩 丹皮四錢 雲苓三錢 肉桂一錢 牛膝二錢

五味五分 水煎服自平

秘錄云若人被山魃木客狐狸蟲蛇作祟憑身者方用桐油一物塗
下身不便處最妙然予更有奇法再以本人袴子包頭 而睡妖自
然大笑而去永不復犯予思蓋妖原欲盜人之精氣最喜清潔若見

人汚物包頭則其人不潔可知故棄而去之亦因其好潔而亂之也
若不成器之物而睡夢中來魘人者亦以此法治之乃應驗試効之
法也

更有一奇證大便從小便而出小便從大便而出此因夏天得之暑
熱之證古方用五苓散加只壳治之雖妙不若止用車前仁三兩略
炒研煎水三碗作一次服完便愈

人有腹中生蛇者乃毒氣所化成也或感山嵐水溢之氣或感四時
不正之氣或感尸氣病氣而成也有之矣

方用明雄一兩白芷五錢甘草一兩各爲細末端午日修合粽子木
和爲丸如梔子大飯前食之必作痛用力忍之切不可飲水一飲水

則不効矣切記切記

治一人正偏頭痛服祛風化痰清熱等藥俱不効子用此方 川芎

所白芥子炒研錢三郁李仁去皮錢生白芍錢五香附米去毛錢二紅胡去

蘆錢生甘草錢白芷錢生姜引一劑減二劑愈後服緩進補中湯以

善其後 又方黃芩兩一荆芥錢三水煎服一効

一治熱眼兼翳痛甚者子用此方 荆芥錢二防風錢二桂枝錢三蔓荊炒搗

錢三天麻姜水炒錢二法夏錢一葶藶炒錢三充蔚子搗錢三牛蒡子炒研錢三熱

甚者加黃柏知母各一錢不用引一劑効二劑愈

一治患實熱痢者子用此方条苓錢一黃連錢一蒸對生白芍錢一查肉炒

錢一桃仁去皮研錢一只壳分川朴姜水炒錢一歸身酒洗錢一生甘草分五兵

榔入地榆酒炒分五青皮分五青木香研末對服分五紅花酒洗分四單白加

小橘紅滅桃仁紅花不用氣滯加酒蒸大黃錢二

腎囊風

蛇床 歸尾 威靈仙 苦參

四味各五錢煎水洗二次愈